

Bahagian A
[30 markah]

[Masa yang dicadangkan : 45 minit]

Gambar di bawah ini menunjukkan cara-cara menangani penyebaran influenza A H1N1. Huraikan pendapat anda tentang langkah-langkah untuk menyekat penularan penyakit influenza A H1N1.

Panjang huraian hendaklah antara 200 hingga 250 patah perkataan.

PENYAKIT INFLUENZA A H1N1



Memakai topeng muka



Peka terhadap kesihatan diri



Kerap mencuci tangan



Ujian imbasan kesihatan di pintu masuk negara

Bahagian B
[100 markah]

[Masa dicadangkan : 1 jam 30 minit]

Pilih satu daripada soalan di bawah dan tulis sebuah karangan yang panjangnya lebih daripada 350 patah perkataan.

1. Semakin ramai remaja yang tidak tahu untuk memanfaatkan masa sehingga masa yang ada banyak diisi dengan aktiviti yang sia-sia.

Sebagai remaja, berikan pendapat anda tentang cara-cara anda mengisi masa lapang dengan berfaedah.

2. Anda akan mewakili sekolah anda dalam satu pertandingan syarahan.
Tajuk syarahan tersebut ialah "Pendidikan Anak-anak Bermula dari Rumah"

Tulis syarahan itu selengkapnya .

3. Amalan membaca dalam kalangan rakyat negara ini sangat rendah berbanding negara maju. Pelbagai pihak perlu berganding bahu bagi memastikan amalan membaca menjadi satu budaya masyarakat di negara ini.

Tulis sebuah rencana tentang langkah-langkah yang perlu diambil oleh kerajaan dan pelbagai pihak untuk memupuk amalan membaca dalam kalangan rakyat.

4. Kemasukan warganegara asing tanpa izin ke negara ASEAN seperti Malaysia dan Singapura menimbulkan banyak masalah dari segi ekonomi dan sosial.

Bincangkan langkah-langkah untuk mencegah masalah penghijrahan tanpa izin ini.

5. Anda berminat menyertai pertandingan menulis cerpen anjuran Dewan Bahasa dan Pustaka. Cerpen yang perlu dihasilkan hendaklah bertemakan peribahasa, "genggam bara api biar sampai jadi arang".

Tulis cerpen itu selengkapnya.

KERTAS SOALAN TAMAT